

Inatsisartut suleriaasianni § 37 naapertorlugu Naalakkersuisunut apeqqutit matumuuna imaattut saqqummiuppakka:

**Apeqqutit:**

1. Peqqinnissaqarfitsinni sullinneqarneq kiffartuussinerlu nunanut avannarlernut naleqqiullugu pitsaassutsimikkut qanoq inissisimappat?
2. Peqqissaasut, Nakorsat, sulisullu allat sullissinerat kikkunniit nakkutigineqarpat?
3. Nakorsiartartut ikiorneqaratik angerlartiinnarneqaaqqittartut ukiumut qassiusarpat?, qanoq ajortigigaangata aatsaat napparsimavinni unnuisinneqarsinnaasarpat?
4. Nakorsiartaraluartut maalaaruteqarnissaq pillugu sumut saaffiginnissinnaappat?

(Inatsisartuni ilaasortaq Laura Táunàjik, Siumut)

**Tungavilersuut:**

Illoqarfinni nunaqarfinnilu nakorsiartartut massuassuteqartarnerat tusarsaakulavoq. Sumulli naammagittaalliuuteqarlutik maalaaruteqqassanerlutik ilisimanngilaat. Aamma nakorsiat iluamik misissorneqartaratik angerlartitaaqqiinnartarsimapput. Ajuusaarnartumik nakorsiartaraluarlutik naapertuuttumik misissorneqartannginnerup kinguneranik napparsimarujussualernermik toqqutillit amerliartulersimapput. Nappaat krafti katsorsarneqanngikkuni ikiorneqarsinnaajunnaarnermik kinguneqartuaannartuuvoq, aamma aanaartoornermik toqqutseqartarnerit amerliarttuinnarput. Taamaasilluni ilaqutariinnguit arlaqalersut annaasaqarnermik nalataqartarlutik.

Nakorsat arlallit nunatsinni suliartorsimasut suliainnut tunniusimanagerat sullissinerallu apeqquserneqarsinnaasoq nakkutigineqanngittutut isikkoqarpoq. Innuttaasut sullinneqarnertik pillugu naammagisimaarinninnginnerat naammatuukulanarsivoq. Aningaasatigut tamanna nunatsinnut akisuvoq, peqqinnissaqarfinnio sulisut minnerunngitsumik nakorsat peqqissaasullu innuttaasunik sullissinerat nakkutigeqqissaarneqartariaqarpoq.

Nunaqarfinni illoqarfinnilu nakorsiartarfeqarneq naammagisimaarnanngitsumik ingerlapput. Taamatullu ingerlaannassappata nakkutigineqaratillu aningaasatigut pilliutigineqartussat suli annertunerulernissaat aarlerinarsinnaapput.

Kissaatigaara apeqquteqaatima ullut suliffiusut qulit qaangiutsinnagit akineqarnissaa.t